

故宮博物院  
珍藏

# 浙江 府州縣 志

共九冊  
第七冊



故宮博物院編

海南出版社

故宮珍本叢刊第 098 冊浙江府州縣志第 7 冊(共 9 冊)

故宮博物院編

續青田縣志

縉雲縣志

慶元縣志

海南出版社

浙江府州縣志  
續青田縣志  
縉雲縣志  
慶元縣志  
PDG

圖書在版編目(CIP)數據

故宮珍本叢刊.第98冊,地理.都會郡縣.浙江,[乾隆]續青田縣志、[乾隆]縉雲縣志、[嘉慶]慶元縣志/故宮博物院編.-影印本.-海口:海南出版社,2001.4

ISBN 7-80645-972-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06561 號

故宮珍本叢刊第 098 冊

浙江府州縣志第 7 冊(共 9 冊)

[乾隆]續青田縣志 [乾隆]縉雲縣志 [嘉慶]慶元縣志

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:16.5 印數:1-400 冊

ISBN 7-80645-972-3

定價:1600 元(浙江府州縣志 16 種共 9 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

續青田縣志小序

昔褚少孫續史記班昭續漢書劉煦續唐書因舊續增自古有之余自癸巳冬蒞青田任邑紳韓君錫胙余舊友也丙申夏韓君觀察蕪松寄書

續青田縣志

序一

來青囑余重修志乘余以不敏辭秋九月

府憲王公蒞任命處屬十縣各用續志抄本送府勒爲一帙事不煩民不擾甚善政也丁酉春余蒐輯成卷攜赴

城適有吾鄉李君若玠者出

仕粵東被議來浙余出稿相

商李君曰續志之法政事人

物藝文專叙近年事並查前

志缺畧者補之星野沿革山

水等類舊志荒畧不妨核辨

續青田縣志

序二

訂正風俗一門政治所關尤宜詳考脩載勿沿志家陋習余以爲然進謁

府憲王公見其所藏天下各府輿圖壤地相接犬牙相錯又蒙

府憲手指口授披覽之下頓覺心目開爽雖足不出戶庭而天下名山巨川之向背通都大邑之壯麗不啻現之眉睫指諸掌上古人之所稱卧遊者此也我

續青田縣志

序三

皇上神武遠揚疆宇日拓新修

一統志煌煌鉅觀其圖象必更有豁人心目者因思自天下而各省各府各縣廣狹雖殊理勢則一故於舊志總圖之外更增十八都分圖使其

相啣相接遠近了然俾宰斯土者身不出衙署而於百姓之輸將差役之往來有以稽其勤惰而督其緩急亦居官者之一助也爰繕寫成冊恭呈

續青田縣志

序四


府憲核定而邑紳董永發陳開基等因付梓人焉是爲序

省

龍飛乾隆四十二年丁酉歲長至之吉

特授文林郎浙江處州府青田

縣知縣丁酉科浙闈同考官  
山左吳楚椿書於青田官舍



續青田縣志

序五

九例

一青邑原志迄今不過五十載通體重修爲費甚鉅辦理亦甚竭蹶昔劉煦續唐書肅代以前皆仍其舊而以後百餘年之事附於各卷末余倣其例專叙雍正七年以後事其舊志之字畫殘缺者另爲刻補與新修並存故曰續補云爾

一既存原志全部則續志僅分六門已足一曰閩邑全局二曰各都分局三曰政事四曰風俗五曰人部六曰文部閱者同原志互參則全脩矣

續青田縣志

卷之一 九例

一

一原志中有宜辨正者有宜增補者皆爲重叙始末以昭傳信要皆關係緊要事件至於古蹟坊表人物藝文等類原志所載者槩不重錄

一凡品題人物蓋棺論定故現在者從無立傳之例士夫如此節婦亦然守節以三十歲前爲合例完節以六十歲後爲合例然有姑媳同守者或姑長而媳幼嫡妾同守者或嫡長而妾幼再或其人現存年已望六者皆可量予採錄亦善善從長之義也外此者不得濫入

一藝文一項或傳記序文詩歌詞賦之類必其有關志  
乘者採而輯之以示傳信而其人之博雅亦借以傳  
若尋常酬應贈答咏物遣懷等作槩不敢濫入蓋志  
原以昭一邑之信史豈非為人刻詩文集也識者諒  
之

一記傳之作取其徵實而已苟能徵實文之工拙猶後  
也往見修志之家取前人之文而改竄之間有高出  
前人者亦竟有不及前人者適形其妄耳是編藝文  
多係舊本一字一句余亦悉仍其舊

續青田縣志

卷之一 凡例

二

一是編定稿出自余手稿成後發交邑紳一切鳩工付  
梓計值經費之事余概置不問長以簿書案件責有  
專屬似此瑣屑無暇縈心也

續纂執事

主修

文林郎浙江處州府青田縣知縣吳楚椿

協修

浙江處州府青田縣儒學教諭徐鶴齡

浙江處州府青田縣儒學訓導董楷

校正

邑歲貢生董永發

邑優貢生陳開基

續青田縣志

姓氏

督修

本縣典史李華

本學生員陳應發

本縣禮書楊錫照

訂錄

本學生員

劉耀 楊體芳 陳其業 富敦仁

葉萬瑜 朱廉 徐上銓 厲雲槐

劉騰龍

續青田縣志目錄

第一卷

閩邑全局

第二卷

各都分局

第三卷

政事

第四卷

風俗

續青田縣志  
目錄

第五卷

人部

第六卷

文部

閩邑總圖

續青田縣志

卷之一 閩邑全局



東至永嘉縣安溪界三十里  
南至瑞安縣烏杉界一百里  
西至麗水縣金村界一百二十五里  
北至縉雲縣盧塘界一百里  
自縣至處州府一百五十里至杭州府九百三十五里至



星野辨

吳楚椿

嘗論鳥火虛昴載在堯典初不言其分居何野也荆  
梁雍豫載在禹貢初不言其分屬何星也自熒惑守  
心見諸左傳漢書遂以周室封國分配列宿歷代史  
志皆宗之西南黔溷周室不列職方概曰井鬼東南  
旣閩周室亦不列職方概曰斗牛由此言之則緬甸  
木邦諸國亦皆井鬼也琉球日本諸國亦皆斗牛也  
在內之列宿分野何其太狹在外之列宿分野又何  
其太濶今回部準部開地二萬餘里其分野又將何  
屬乎夫聖人之書易書詩春秋四經而已他如周禮  
載記多不可信而左氏浮夸班氏湊砌後世學者竟  
奉爲不刊之典亦見其惑也今夫天官之學愈後而  
愈密孟子云千歲之日至可坐而致與太史公天官  
書週歲三百六十五日二十四刻二十五分其說相  
符晉虞喜始有歲差之說元郭守敬又有七政本輪  
最高最下之說同刊西曆作方輿勝畧論南北兩極  
赤道左右者最詳又西洋善遊分天下爲五大州曰  
亞細亞曰旣羅巴曰利未亞曰亞昧利迦曰墨瓦蠟

泥迦東過朝鮮南踰交趾北渡沙漠西越密尚不足  
以盡亞細亞境界則中土九州特赤道北之一方  
耳我

祖仁皇帝欽若昊天制爲律書淵源全編大臣之勲其事

者莫如安溪相國而安溪受學於宣城梅定九先生  
所傳有歷象新書歷學疑問等編天包地外分天度  
爲三百六十地居其中亦分三百六十赤道而北總  
以北極高下爲準順天府北極出地四十度廣州府  
北極出地二十三度順天而南廣州而北僅占地一

續青田縣志

卷之一 閩邑全局

四

十七度以三百六十計之則由順天而北由廣州而  
南直至匝地一周尙多於中國者二十倍有奇南北  
多二十餘倍東西又多二十餘倍縱橫乘之中國僅  
數百分之一分耳周室封國方千里者九縱橫皆十  
二度以周天之列宿而欲以彈丸之野分之彈丸之  
外遂謂列宿所不照豈非坐井觀天之見哉且星至  
動者也野至靜也二十八宿隨天左轉昏見於東  
者且沒於西春沒於西者秋見於東而謂有一定之  
東西若者屬齊若者屬秦則必星定於一處而後可

孔子曰譬如北辰居其所而衆星拱之以三垣喻朝  
廷以列宿喻列國今之喀爾沁諸部落以及海島遐  
羅諸國皆拱向帝京者也漢春秋之世規模宏遠如  
數倍矣而猶欲執左氏之說以分周天豈不謬哉夫  
學術之壞莫大於依訛傳訛侈口談天論分野則妄  
談占驗論占驗則妄談休咎此邪說之所由起也余  
因修青田縣志舊有分野一卷故特記於此

續青田縣志

卷之一 閩邑全局

五

續青田縣志卷之一

沿革

夏商周下列版圖

謹按淮海惟揚州揚州固南至海也然曰三江既入震澤底定查杭嘉湖寧紹五府俱在三江震澤之南然則宜王伐淮夷曰于疆于理至於南海南海者寧波海也周封越於海上吳棲越於會稽則寧紹二府是為揚州南界溫台處皆荒微也通志沿革表於三代皆不詳其識卓哉

秦閩中郡

按楚滅越會稽一帶盡歸於楚越子孫逃歸海上後為東甌國治安策云百粵之君委命下吏蓋桂林象郡閩中仍有君長非立縣邑也

續青田縣志卷之一 閩邑全局

六

漢初東甌國為東帝二年封閩君搖尋為洞浦縣地武帝時閩越圍東甌東甌王率衆歸漢帝徙其民江淮間其地後遺民復聚以其地為洞浦縣屬會稽郡通志溫台處皆稱洞浦蓋山曠人稀縣境最濶云

東漢章安縣地章安治今台州尋分為永寧縣順帝分章安置永寧治今溫州

三國吳松陽縣地

吳於建安中分置松陽治今松陽屬臨海郡又分大末縣置平昌屬東陽郡今遂昌龍游

晉松陽縣地

屬永嘉郡平昌改遂昌松陽遂昌二縣間嶺路尚未通

宋齊梁陳松陽縣地永嘉松遂通路自此始

隋枯蒼縣地

開皇分松楊置枯蒼治今麗水又廢臨海永嘉二郡以枯蒼松楊永嘉臨海四縣置

唐青田縣

景雲中分枯蒼置青田即今縣治也武德初松州枯州並置後松州廢入枯州制永康枯蒼二縣地置縉雲縣改名縉雲郡統麗水青田縉雲松陽遂昌五縣乾元中分松遂二縣地置龍泉改

處州因統六縣云

五代吳越青田縣屬處州

宋青田縣屬處州南宋慶元中分龍泉置慶元處州因統七縣云

元青田縣屬處州

續青田縣志卷之一 閩邑全局

七

明青田縣屬處州府分麗水地置雲和宣平二縣分青田地置景寧縣處州府統十縣自此始

國朝因之

處州府青田縣沿革通考

處州置自隋青田置自唐而前此之荒僻無人後此之漸次平治皆可按籍而考查楚滅越越子孫逃歸海上後為東甌國漢武帝時東甌國除空其地遺民復聚始設縣二其一為洞浦縣今台州地其一為

縣今閩省侯官地皆在沿海一帶而處州山鄉未嘗

有民也東至洞浦南至治縣北至烏傷今義烏縣西至大

未今龍泉縣從橫千里并無縣邑東漢改洞浦為章安今仍

臨海分大末立新安今西析章安立永寧今永而山

續青田縣志 卷之一 圖邑全局

鄉千里依然無縣邑自三國孫氏據有江東開拓土

字分新安縣置定陽今衢分烏傷置永康今金華

縣分大末置平昌今處均屬東陽郡分章安置

羅陽尋改安陽今溫又分章安置松陽今處

縣均屬臨海郡斯時處州山鄉已設二縣而松遂隔

嶺道路未通晉改永寧縣為永嘉郡改安陽為安固

分永寧地置樂成今樂分安固地置始陽尋改橫陽

陽縣今平溫屬澤國也已立四縣處屬山國也只有二

平昌改名遂昌仍屬東陽郡與松陽隔為路

立晉時松陽為永嘉郡屬縣惟大溪一路可通逆

而上舟行四百里始抵其縣四圍皆山一幽都也

靈運為永嘉太守石門洞即同坑皆有謝公故事

不誣也劉宋改遂昌屬永嘉郡松遂二縣始通齊梁

陳一如宋舊松遂上通龍游下通永嘉而西北東南

數百里仍皆荒山此未立處州以前之大畧也今夫

澤國有灘有圩其境光嚴且可及遠禽獸不能偏人

故立縣較早山國草密木茂其境幽暗目不及遠禽

獸幸多偏人故立縣較遲隋開皇平陳後省樂成安

續青田縣志 卷之一 圖邑全局 九

固橫陽併入永嘉析松陽東北為括蒼置處州大業

改名永嘉郡唐武德改名括州於括州置麗水縣割

括蒼永康二縣地置縉雲縣分括蒼置青田縣永

青田山有竹青田之名所由昉也武元中分松遂二

縣地置龍泉宋慶元中又分龍泉置慶元故西北

通永康自唐始東南之通浦城自宋始按麗水青

縉雲三縣居東松陽遂昌龍泉慶元四縣居西

萬山互連斜橫數百里較長莫及故元末明

蠡起兵都侍郎孫公原貞奏立四縣景泰間始

曰秦順景泰間始卒故曰景寧民順且寧分景泰二字以冠之浮雲鄉立縣曰雲和宜慈鄉立縣曰宜平民既和且平各用其鄉一字以冠之我朝平耿藩後要害之地各置戍守深山窮谷皆有警查然則泊平之猷豈不在人哉

沿革事實

三國時會稽郡治縣賊呂合秦狼等爲亂吳將蔣欽

呂岱將兵討擊遂擒合狼五縣平定按五縣者章安

松陽也章安今臨海治縣今福州永寧今永嘉羅陽今瑞安四縣皆沿海惟松陽在萬山中

續青田縣志 卷之一 閩邑全局

陳國毛喜爲永嘉內史豐州章大寶反毛喜修治城

隍嚴飭器械又遣所部松陽令周璠領千兵援其時松陽

兵由大溪赴永嘉

隋平陳後高智慧自號東揚州刺史自餘姚泛海趨

永嘉隋將楊素擊走之又破東陽賊帥汪文進永嘉

賊帥沈孝徹智慧遁閩越素追至泉州斬之餘黨悉

平隋分置括蒼自此始

唐寶應元年台州賊袁晁等攻陷浙東諸州李光弼

遣部將張伯儀破之於衢州袁晁伏誅舊唐書云王栖曜爲偏將

連日十餘戰生擒袁晁時台衙盡歸袁晁處屬皆其所有

中和元年遂昌賊盧約乘黃巢亂攻劫青田等縣命廷盧佶陷處州吳越王遣兵取温州捕逮盧佶至臘口而卒約來處州爲刺史自鎮一方多所建置刺史施史君率兵屯寨收集義勇擒約誅之

宋宣和三年睦州清溪洞方臘反麗水青田松陽遂昌皆沒於賊而劍川獨完處州守黃烈奉詔卽劍川治事奮勇宣力區畫得宜松陽民葉淳葉天麟父子鳩兵邀擊境賴以安值韓世忠擒方臘賊將洪載降

續青田縣志 卷之一 閩邑全局

土

元伯顏伐宋至元十二年處州有賊詹志鵠温州有賊林雄元浙東道高興潛由青田搗其巢穴戰葉山擒志鵠及林雄等

至元十四年青田季文龍章森殺趙知府以叛處州達魯花赤趙貢亨獲其黨始知七縣俱反文龍據處州天慶觀貢亨將騎士三百陳於下河賊出以精騎蹂之遂棄城走萬戶忽都臺以援兵至文龍溺死元至正十一年方國珍起海上元將石抹宜孫守温州閩寇犯處州宜孫以兵平之處屬縣山寇並起宜

孫復徵往討樂處州城為禦敵計

至正十三年吳成七作亂寇青田義勇徐伯龍糾義兵大戰援兵不至死於賊山民乘機剽掠燒燬縣治及官民廬舍里人季珍率眾禦於縣西船寮力戰斬首三十餘級亦以援兵不至死處州路總制孫炎胡

深以義勇葉良器領兵勦之始平

按十五年流賊陷龍泉山寇黃花燒

燬慶元十六年斬黃妖賊犯龍泉賊首鄭甲攻麗水時龍泉人王毅章溢為宜孫計皆云須得循吏招輯

十七年五月縉雲松陽遂昌麗水青田無賴各嘯聚

為盜石抹宜孫胡深討平之

縉雲黃村松陽白巖村遂昌大社村麗水浮雲

續青田縣志 卷之一 閩邑全局

三

泉溪村各草聚劫掠石抹宜孫行樞密院判官鄭處

州置胡深行軍都事深攻泉溪拔其寨浮雲亦敗自

賊懼遠降費村賊望遠去深移師攻大社賊亦

敗擊之別遣游擊八山拔其伏匿大敗之斬首數十

級生擒八百人方友元泉首周天覺降乘勝移兵討

青田賊黨金德安殺

潘惟賢兄弟以降

十九年夏四月明太祖樞密院判耿再成泰軍胡大海率兵取處州十一月再成屯兵縉雲黃龍山元守

將石抹宜孫遣元帥葉琛屯桃花嶺泰謀林彬祖屯葛渡鎮撫陳仲鎮等屯樊嶺元帥胡深守龍泉以拒

明師深自間道降再成大海出軍抵樊嶺合攻之大

敗其眾通接桃花嶺為連二寨宜孫敗棄城走未幾

宜孫收士卒欲復處州攻慶元再成擊敗之宜孫戰

死其時宋亮祖討方國珍拘下仙姑諸縣進兵

溫州國珍子明善拒戰擊敗之方氏父子降

二十二年苗將李佑之德仁據處州殺院判耿再

成總制孫炎李文忠調兵屯縉雲以圖之再成子

天壁奉命往處起發苗軍中途開變馳至李文忠所

得再成舊部千戶朱詢等遂集全部將士會同邵平

章張院判兵往討賊遇賀德仁拒戰於劉山擊之賊

大敗諸軍進圍處州尋攻入李賀俱就擒

按李佑之本處州降

續青田縣志 卷之一 閩邑全局

三

明洪武元年浙東苗軍變殺金華守尋據處州以胡

深習知要害詔統兵勦滅擒其首黨悉誅之

十四年青田縣八都民吳達三與平陽葉丁香嘯聚

劫掠池青田縣燒燬官民廬舍命廷安侯唐勝宗督

都僉事張德統兵攻擊獲首首誅之餘黨悉平

正統十三年冬十月麗水宣慈鄉人葉宗留等為亂

宗留嘗為鑛徒後克府隸府官遠行輒用之以自衛

多不法恐見收捕率眾為亂推陳鑑胡為主陶得二

為輔以殘狼立威相傳陶得二有飛劍斬人人益感

之先開平郭茂七謀叛陶得二楊希八等效尤聚衆

史李俊奏聞命十月夜以武義縣衛縣官捕賊失利監守銀冶

冬十二月陳鑑胡等掠遂昌御史李俊命葉鉅詰松

陽督典史杜英社首毛孔機等迎戰大敗之斬齊

等首級鑑胡遁還宜鄉宜寇陳鑑胡朱開八齊等

掠沿及在寶峰坑盜掠銀鑛後肆掠

十四年正月賊陶得二數千突出破橋官兵失備殺

分守參議耿定兵備僉使王晨晨子甫六歲聞賊被

續青田縣志 卷之一 閩邑全局 五

害亦自投城下御史李俊知府張佑日夜守城戰於

城北後溪賊潰敗次日焚掠西鄉而去時葉鉅冒險

見後會民苦缺食俊與佑發官廩賑之仍出府庫課

銀召募出城殺賊一人者賞銀五兩民爭應募得五

百餘以葉鉅領開通惠門與賊始解去

五月賊劉四劉五陳三等數千大肆掠掠指揮沈麟

戰於漣灘為其所殺葉鉅等大破之勇敢者得三千

八戰於後坑湫生擒劉五等八十六人斬陳三等一

百八級獲驛馬無算追至新嶺而還劉四復糾其黨

祝于光等仍來奇山會官兵繼至望風奔潰追殺大敗

六月徐浩入攻郡城七月東巖寇放火兵部尚書孫

原正論降諸賊擒賊首陳鑑胡葉宗留解京伏誅又

平慶元賊龍岡九青田亡賴聚衆劫掠孫原正及都

御史陳詔討平之大溪屯金水小溪屯白巖又遣耆

老葉子雲李存餘遍至賊巢諭以禍福衆皆感悟遂

平

景泰元年浮雲鄉賊首王景泰自縊宜寇陶得二等

解京伏誅三年孫公奏立泰順景寧雲和宣平四縣

五年青田林叔光吳金八等為盜劫掠縣丞王俊主

簿樊旭典史楊殖宗等率兵分屯黃壇等處邀擊擒

續青田縣志 卷之一 閩邑全局 五

殺賊遁入福建

正德間劉瑾秉政開處州銀穴溫處礦賊周六等為

亂參議國期應先發粟賑貸次行招撫許令自新

後出遊兵以分其衆直覆其巢遂縛渠魁

嘉靖三十四年夏四月倭寇數百自一都小時殺

居阮思恩渡至沙埠殺居民李德陳添葉良在并

其衝鋒鄉兵楊叙沿燒朱子謙郭浩彥李魁等房屋

既又復入小時殺領兵百戶張登民兵溺死者二千

入至沙埠殺隊長劉宗遂破仙居大掠而去

三十六年五月倭寇自黃巖仙居過縉雲而青田無恙

三十七年夏四月倭寇自永嘉修至青田據東門外  
甯等及民居為巢分劫各都燒燬民居五千餘間殺  
死男女老幼三千餘口虜男女千餘晝夜攻打東北  
門戰死鄉民大琳一十四人守城民兵杜定等  
殺殺倭寇一十餘人民壯葉仁錫等偷營燒破賊巢  
好退去

國朝順治二年明唐監國駐福州魯監國駐紹興

續青田縣志 卷之一 閩邑全局

二年六月我

朝兵取紹興七月抵仙霞嶺兵過衢州而青田安堵不

驚

五年四月青田油竹彭括地方何兆龍聚眾作亂也

縣界次月陳光魁等應之游擊劉登瀛同防將史戎

有帶兵禦戰始退

六年二月吳省元等犯景寧何兆龍周彪等屯北首

四官兵進剿

七年四月青田賊餘浩友

八年八月賊首王應舉聚眾劫景寧盧舍遊擊劉  
登瀛沿路擄掠直至青田應舉計窮降地方獲平

十六年江寇猖獗范達禮以精奇咒哈番率大兵援  
括寇漸平

康熙十三年五月耿逆遣偽總兵徐尙朝等陷龍泉  
又陷遂昌松陽雲和景寧等縣六月十三日陷郡城  
溫鎮總兵祖宏勳據城從逆分兵陷青田賊帥蕭瞻  
子據縉雲陳蘭花據宣平遂據金華

總督李之芳屯兵衢州提督塞白理屯兵台州和碩

續青田縣志 卷之一 閩邑全局

七

康熙王率滑漢大兵攻破金華

十四年春總兵李榮陳世凱恢復郡城三月偽都尉

連登雲徐尙朝王自福分踞楊梅岡石帆石塘等處

滑漢都統馬將軍喇台吉察率大兵屯郡城拒戰年

餘

十五年八月攻破石帆石塘青松遂龍雲慶景宜以

次蕩平

## 青田不列禹貢考

青田舊志云禹貢揚州地查台溫處三府府志縣志皆稱揚州而揚州南界究於何止不考其實輒編入志乘以與經史相刺謬者詔示後人是傳信適以傳惑也余竊非之按禹貢云三江既入震澤底定蔡註以婁江東江松江爲三江史志宗之論者遂謂浙江不列禹貢然會稽有禹穴周封禹苗裔於越以奉禹祀浙之東南概入揚州而誌水者獨遺浙不載此何以稱焉按蔡註東北入海者爲婁江東南入海者爲東江是只有二江也又於東江二字之下曰其松江爲三江查太倉州有劉河卽婁江蔡註所謂東北入海者是也其東南一支本名東江五代時析吳縣地置吳江縣因名吳江宋元時因其地多松又名松江其支流有白鶴青龍蟠龍名總之皆吳淞江一派也二江洩太湖以內之水江洩太湖以外之水三江未入之前浙江之水與太湖接連杭嘉湖嚴四州之地皆爲巨浸禹導太湖之水分流入海又導浙江入海湖內湖外水皆有歸故曰三江既入震澤底定

續青田縣志

卷之一 圖邑全局

六

三江者婁江吳淞江浙江也天浙西之屬揚州固確

有據矣而浙東揚州之界究於何止嘗考商周之制以一州爲畿內以八州封諸侯八州之地有國名無縣名秦併天下置三十六郡郡縣之內有郡有縣周疆之外有郡無縣除伐邑置成都縣取百粵置番禺縣皆利其田肥美其餘桂林閩中等郡皆未嘗置縣也故欲定內外之界當以秦縣爲憑查杭州府之錢塘餘杭嘉興府之海鹽湖州府之烏程寧波府之鄞縣紹興之山陰會稽諸暨餘姚上虞等縣金華府之義烏本名烏傷衢州府之龍游本名大末皆秦縣也

續青田縣志

卷之一 圖邑全局

七

有秦縣者卽周疆隸周疆者卽禹貢是爲揚州南界

周詩云于齔于理於南海今寧波海也台溫處三府

漢初猶稱東甌國並無秦縣其不列揚州也明矣余

因青田舊志有揚州二字因遍爲考之